



# COMUNE DE MARA

## Provìntzia de Tàtari

### DELIBERATZIONE DE SA GIUNTA COMUNALEN. 89 DE SU 05/12/2022

**OGETU:** ORGANIZATZIONE DE INITZIATIVAS LÙDICAS E ISPETÀCULOS IN OCASIONE DE SAS FESTAS DE NADALE. ATU DE INDIRITZU A SU RESPONSÀBILE DE SU SERVÌTZIU.

S'annu duamìgia e bintiduos, sa die chimbe, de su mese de Nadale a sas 17:06, s'est reunida in sa SEDE DE SA GIUNTA, posca de àere acumpridu a sas formalidades prevididas dae sa Lege de s'Istadu e dae s'Istatutu, sa Giunta Comunale suta de sa presidèntzia de su Presidente CHESSA PAOLO.

A s'apellu numenale resurtat:

| CÀRRIGA      | SAMBENADU E NÙMENE | PRESENTE |
|--------------|--------------------|----------|
| SÌNDIGU      | CHESSA PAOLO       | EMMO     |
| ASSESSORE    | FIORI ANTONIO      | NONO     |
| VITZESÌNDIGU | MONNI CRISTINA     | EMMO     |
| ASSESSORE    | SALARIS RICCARDO   | EMMO     |

Presentes n° 3 Ausentes n° 1

Partètzipat su Segretàriu Comunale ZANDA MONICA, chi providit a redatzionare custu verbale.

Leat sa Presidèntzia su Sìndigu CHESSA PAOLO, chi reconnota s'adunàntzia legale , deccrarat aberta sa setziada pro trattare s'ogetu giutu torra in subra.

## GIUNTA COMUNALE

### PREMÌTIDU chi:

- Cunforma a s'articulu 3, comma 2, de su D.lgs 18 de austu de su 2000, n. 267, Testu Ùnicu subra de s'ordinamentu de sos Entes Locales, su Comune est s'ente locale chi rapresentat sa comunidade pròpia, nde contivìgiat sos interessos e nde promovet s'isvilupu;
- Su comma 5 de su matessi articulu 3 mentovadu in subra apostivigat chi "*Sos comunes e sas provìntzias sunt titulares de funtziones pròpias e de cussas chi lis cunferint cun leges de s'Istadu e de sa regione, cunforma a su printzipiu de sussidiariedade. Sos comunes e sas provìntzias acumprint a sas funtziones issoro puru pro mèdiu de atividades chi podent èssere esertitadas a manera adeguada dae s'iniziativa autònoma de sos tzitadinos e de sas formatziones sotziales issoro*".
- S'istatutu de su Comune de Mara, aprovalu cun delibera de su Consìgiu Comunale n. 2 de su 16.02.2001, e posca mudadu cun atu deliberativu de su Consìgiu Comunale n. 15/2001, n. 29/2006 e n. 37/2022, apostivigat, a s'articulu 3, sos obietivos fundamentales de s'Ente pro s'interessu de sa colletividade de su logu;

**CONSIDERADU** chi tra sas iniziativas chi su Comune esèrtzitat e suportat in s'interessu de su territòriu torrant puru cussas indirizadas a s'organizatzione, a manera dereta o non, de acadessimentos chi interessent sa tzitadinàntzia de su logu dende vida, in custa manera, a momentos de unione sotziale;

**CUNSIDERADU**, duncas, chi cunforma a cantu naradu in subra, est in sas intentziones de custu Ente, in occasione de sas festas imbenientes de nadale, organizzare un'adòbiu in su Ricoveru pro Antzianos e àteras iniziativas de ispàssiu e de sotzializatzione pro totu sa populatzione;

### RILEVADU chi:

- sa cumplessidade de sas atividades organizativas e gestionales non cunsentit de pòdere gestire a manera dereta sas atividades mentovadas in subra, resone pro sa cale est netzessàriu a s'avalèssere, comente giai est sutzessu in su tempus coladu e cun èsitu positivu, de sa collaboratzione de sos Assòtzios presentes in su territòriu chi ant sas resursas netzessàrias pro organizzare sos adòbios de intratenimentu;

**RECONNOTU**, puru, chi pro interessare sos Assòtzios Locales s'Amministrazione Comunale collaborat cun su reconnoschimentu de unu contribuutu econòmicu, netzessàriu a sustènnere sas ispesas chi divent èssere afrontadas;

**RECRAMADOS** sos parres de sa Corte de sos Contos chi sighint:

- parre 89/2013 de sa Setzione Regionale de Controllu pro sa Lombardia de sa Corte de sos Contos, in òrdine a sa possibilitade, pro sas amministratziones, de isbursare contributos a suetos chi acumprant atividade de valorizatzione de su territòriu, "comente modalidade alternativa de frunire unu servìtziu pùblicu e non comente forma de promotzione de sa màgine de s'amministratzione".
- parre 226/2013 de sa Setzione Regionale de Controllu pro sa Lombardia de sa Corte de sos Contos, a mente de sa cale sos Comunes, subra de sa base de sa discretzionalidade autònoma issoro e cunforma a sos printzìpios de s'amministratzione sana e curreta, podent deliberare contributos a favore de entes chi, puru no essende afidatàrios de servìtzios, acumprint un'atividade chi est cunsiderada ùtile pro sos tzitadinos pròpios;

- Parre 1075/2010 de sa Setzione Regionale de Controllu pro sa Lombardia de sa Corte de sos Contos tra sas diferentes formas de sustennu a sos assòtzios locales s'elementu chi caracterizat, in s'ordinamentu giuscontabile, sas contributziones galu ammitidas (distinghende □ las dae sas ispesas de isponsorizatzione oramai proibidas) est s'acumprida dae parte de unu privadu de un'atividade pròpia de su Comune in forma sussidiària. S'atividade duncas devet torrare in sas cumpetènzias de s'ente locale e est esertzitada, pro mèdiu, dae sugetos privados destinatàrios de resursas pùblicas prus che (a manera dereta) dae parte de sos Comunes e Provìntzias, rapresentende una modalidade alternativa de frunidura de unu servìtziu pùbliku e no una forma de promotzione de sa màgine de s'Amministratzione.

**RECONNOTU** chi sa giurisprudèntzia contàbile sustenet sa legitimidade de su sustennu dae parte de s'Ente Locale, puru pro mèdiu de una contribuzione finantziària, de sas organizatziones de voluntariadu de su logu;

**RILEVADU** chi sas promotziones de sas atividades culturales ligadas a su Nadale torrante a sas punnas istituzionales pessighidas dae s'Ente;

**CONSIDERADU** chi custas iniziativaes cajonant ispesas de aumprida cullegadas a sas atividades de nadale;

**RITÈNNIDU** dare a su responsàbile Setore Sòtziu-culturale sos indiritzos oportunos pro s'acumprida de sas iniziativaes singulas, incluida sa tipologia de ispesas a càrrigu de su Bilàntziu Comunale;

**CONSIDERADU** chi si cheret protzèdere a s'assegnatzione de unu contributu istraordinàriu a su Comitadu de Bonuighinu e a s'Assòtziu ASD Comitadu 1974 de importu che pare, a manera respetiva de € 450,00 e € 1.200,00, pro sustènnere sas atividades de acumprire;

**BIDA** sa Delibera de su Consìgiu Comunale **n. 6 de su 14.03.2022** cun sa cale est istadu aprovalu su Documentu Ùnicu de Programmatzione 2022-2024 (DUP simplificadu);

**BIDU** su Bilàntziu de Previsione de sos Tres annos 2022-2024 – Esertzìtziu Finantziàriu 2022, aprovalu cun Delibera de su Consìgiu Comunale **n. 7 de su 14.03.2022**;

**Bidu** su regulamentu de Contabilidade de custu Comune;

**BIDA** sa deliberatzione de sa G.M. n° 81 de su 30/12/2011 de individuatzione de sas Positziones Organizativas;

**ACHISIDOS**, sos parres a favore in òrdine a sa regularidade tècnica e contàbile de custa proposta de Deliberatzione, espressados dae sos Responsàbiles de sos Servìtzios interessados cunforma a s'art 49 de su T. U. E. L. n. 267/2000;

**TOTU** custu premitidu;

Cun votatzione a favore, totu de acordu espressada in sas formas de lege

## **DE L Ì B E R A T**

**SA PREMISSA NARRATIVA** est parte integrante e sustanziale de custu atu;

**DE PROGRAMMARE** in occasione de sas festas de Nadale de su 2022 sos adòbios chi sighint:

- Adòbbiu de ispàssiu in su Ricoveru pro Antzianos;
- Iniziativas de ispàssiu e de sotzializatzione pro totu sa populatzione;
- **DI INCÀRRIGARE** su Responsàbile de su Servìtziu Sotziale de s'adozione de totu sos atos chi cunsighint a custa deliberatzione cun su reconnoschimentu de unu contributu de € 450,00 a su Comitadu de Bonuighinu e de € 1.200,00 a s'Assòtziu ASD Comitadu 1964, bastat chi presentet un'apòsita rechesta e su programma de sos adòbbios ;

**DE RECONNÒSCHERE** chi sa disponibilidade econòmica netzessària est de € 1.650,00 agatat cobertura finanziària a su capìtolu de ispesa n. 11730 de su Bilàntziu de Previsione de su 2022;

**DE PUBLICARE** custa deliberatzione in su giassu istituzionale de su Comune, setzione amministratzione trasparente, cunforma a s'art. 26 de su D.Lgs. n. 33/2013 e mm.ii.ii;

**Cun àtera votatzione totu de acordu, espressada in sas formas de lege, deliberat de torrare custa deliberatzione luego esecutàbile cunforma a s'art. 134, comma 4° de su D.Lgs. 267/2000 e mm.ii.ii.**

---

#### **PARRE DE REGULARIDADE TECNICA**

Su Responsàbile de su Servìtziu, cunforma a s'art. 147/bis de su TUEL 267/2000 e de s'art. 11 de su Regulamentu subra de sos controllos internos, in òrdine a sa proposta n.ru 750 de su 05/12/2022 espressat parre a **FAVORE**.

Parre firmadu a manera digitale dae su Responsàbile de su Servìtziu ISTR. DIRETIVU DONEDDU SABRINA in data 05/12/2022.

---

#### **PARRE DE REGULARIDADE CONTÀBILE**

Su Responsàbile de su Servìtziu, cunforma a su D.Lgs. 267/2000 art. 49, in òrdine a sa regularidade contàbile de sa proposta n.ru 750 de su 05/12/2022 espressat parre a **FAVORE**.

Parre firmadu a manera digitale dae su Responsàbile de su Servìtziu CHESSA PAOLO in data 05/12/2022.

---

#### **LÈGHIDU APROVADU E SUTASCRTU**

Su Presidente  
CHESSA PAOLO

Su Segretàriu Comunale  
ZANDA MONICA

---

#### **NOTA DE PUBLICATZIONE N. 944**

Su 06/12/2022 est publicada in s'Albu Pretòriu sa Delibera de Giunta n.ru 89 de su 05/12/2022 cun ogetu: **ORGANIZZAZIONE DE INIZIATIVAS LÙDICAS E ISPETÀCULOS IN OCASIONES DE SAS FESTAS DE NADALE. ATU DE INDIRITZU A SU RESPONSÀBILE**

## **DE SU SERVÌTZIU**

At a restare affissada pro 15 dies sighidas cunforma a s'art.124 de su T.U. 267/2000.

**Esecutiva cunforma a sas dispositziones de lege in vigèntzia.**

Nota de publicatzione firmada dae CHESSA PAOLO su 06/12/2022.